

350 kiloko harria jausi zen lan eremutik Azpirozko ur depositura

Autobideko zati hori eraikiezina dela baietsi du Lurraldeak

Harri handi bat, auzokideen arabera 350 kilo ingurukoa, jausi zen Irurtzun-Andoain autobideko lan eremutik Azpirozko ur depositura. Duela hogeitabi egun gertatu zen istripu hau lanak hasteko saio batean izan zen eta ez da lan zati honetan jazotzen den lehen istripua.

P. URZELAI / AZPIROTZ

Duela hogeitabi egun, Laing enpresa adjudikatzaileak egin zuen lan hasiera saio batek lurjausi bat eragin zuen. Jausitako harrien artean, 350 kilo inguko bat, Azpirotz herriko ur deposituren kontra jo, leherketa moduko zarata egin, eta eraikuntzaren gainean gelditu zen. Ur depositutik herriko lehen etxera 20 metro baino ez dago. Etxe hau, hain zuzen ere, Jose Migel Etxetxipia, bertako alkatearena da.

Ur depositutik 50 metrotara, bide ertzean, zimaurrea pilatzen den tokian, 100 kilo inguruko harri bat jausi zen. Harri hauek 150 metro goragotik jausi dira, autobideak zeharkatuko beharko lukeen lekutik.

Lurjausi honen berri Lurraldea koordinadorak eman zuen atzo Azpirotzen bertan. Jon Fernandez, Lurraldeako bozeramalearen ustez, «autobidea zati horretan eraikitzeke zailtasun edo ezintasunaren gainean, saio berri horrek adierazten du aurrrera ihes egin nahi izatea, bizitzak arriskuan jarritz, eta inposaketaren politika sinbolizatzen du».

Autobidearen proiektu ofizialaren trazaketa puntu horretan «zentzurik gabekoa eta teknikoki defendazina» da, Jonan Fernandezek esanetan.

Lurraldeako bozeramaleak aditzera eman zuenez, enpresa adjudikatzaileak Azpirozko biztanleei ez dela «berriro» gertatuko esan die eta lanean ez dela hasiko Nafarroako Gobernuak lanen ondorioak bere gain hartu arte. Izan ere, Lurraldearen arabera, Azpirozko tramu horretan, lanak geldituta daude duela 20 hilabetetik, eta tarte horretan, frui-

turik gabeko saioak baino ez direla egin. Lurraldeak uste du azken lurjausi hau oso larria izan dela eta «aduragabekeria eta iharduera ausartegia» egon daitezkelakoan bere abokatuen esku utzi du, bidezkoa balitz judizi ekintza hastea.

Azpirozko biztanleen artean kezka nabaria da. Jonan Fernandezek ustez, Azpirotzko herritarrek «ezkutuko mehatxu baten pean daude, egoera salatzen baldin badute Nafarroako Gobernuaren diru-konpen-tsazioak galtzeko beldur bait dira».



Maldanbehera pirrilaka etorri, ur depositoa jo eta gora igo zen harria.

JOXE



Victor Manuel Navascues Bilboko epaitegitik irtetean.

EFE

Navascuesek ukatu egin du Brouarden hilketa erabakitzeke bileran zenik

BILBO

Santi Brouarden hilketa erabaki zuten bileran parte hartu zuenik ukatu egin zuen atzo Victor Manuel Navascues, Irungo industriariak. 1983ko abenduan Bilbon egin zen bileran Navascues han zela esaten da Mohand Talbi, GALEko kideak egindako deklarazio judizialean.

Victor Manuel Navascuesek Bilboko 1. Instrukzio Epaitegian deklaratu zuen atzo goizean. Talbik Brouarden kontrako atentatuan inplikatu ondoren egin zen Navascuesek deklaratzeko daldia. Jose Amedo ere bilera horretan egon zela esan zuen Talbik eta Navascuesekin eztabaida gogorra izan zuela ez zeudelako ados zein euskal errefuxiatuaren kontra egin behar zituzten atentatuak.

Ez Amedo eta ezta Talbi ere ez zituela ezagutzen deklaratu zuen Navascuesek, Txema Montero, akusazio partikularreko abokatuak jakitera eman zuenez. Hala ere, Talbik

Navascues deskribatzeko eman zituen datuak ez datozela bat errealtatearekin esan zuen Monterok.

GALEko beste kide batek ere, Daniel Fernandez Aceñak, GAL taldearekin inplikatu zuen Victor Manuel Navascues. Akusazio hau «gorroto pertsonalagatik» egin zela deklaratu zuen Irungo enpresariak. Irungo Alianza Popular alderdiko kide zela mehatxuak jaso eta Aceñari eskatu omen zion mehatxu horiek ETArengandik zetozen ikertzeko. Aceñak ETA ez zegoela atzean erantzun eta egindako lanagatik 200.000 pezeta eskatu zizkion, baina Navascuesek ez zion ordaindu, mehatxuak jasotzen jarraitu zuelako, industriariak atzo esan zuenez. Montero abokatuak bere aldetik, Navascuesek Entzutegi Nazionalean izan zuen prozesuan ez zuela «txantaia bateko biktima zenik esan» jakin erazi zuen.

Monterok errekurso bat ezarriko du epaitegian, Amedo eta Talbi eta Amedo eta Masaren arteko bekaldura eskaerak ukatu dizkiotelako.

Lerro artean

Pertsonalizazioa



Pertsona multzo bati dagokion arazoa pertsona bakar batean murriztea ez da kazetaritzan bakarrik ematen den fenomeno, baina egun hauetan nabarmenago ikusi ahal izan da komunikabideetako politika arloan. Fenomeno horrek bi protagonista nagusi izan ditu bereziki: Carlos Garaikoetxea eta Xabier Arzalluz. EAJ eta PSE-PSOE paktuaren ondorioz, EAK udalak osatzerakoan hartutako jarrrera eta erakutsitako jokabidea aztergai izan dira, bai komunikabideetan bai beste alderdietako bozeramaleen ahotan. Bi esparru hauetan, EAKo alderdikide multzo bat bere partaide batekin —Garaikoetxea— identifikatzeko joera nabaria izan da. Zenbait komunikabideetan alderdi baten eta bere ihardueraren «pertsonalizazioa» nabarmenagoa izan da: bi egunka-

ritan Garaikoetxearen izena agertzen zen editorialen izenburuan. Honez gain, EARI buruzko kritika eta analisi ugari bere presidentearen inguruan egin dira, beraz, alderdi bati, pertsona multzo bati dagokion arazoak pertsonalizatu egin dira. Atzo *El Correo Españolen* Ramon Murrek sinatzen zuen artikulua adibide argia zen. Xabier Arzalluz EAJko EBBko presidentearekin fenomeno bera gertatu da. Hau da, EAJk egin duen paktua —alderdi honen maniobra politikoa— Arzalluzi eta bere «makiavelismoari» lotu zaio. «EAJk Eusko Jaurlaritzan dituen bikideen atzerakadak aukera eman zion Arzalluzi, bost hilabete beranduago, bere alderdiaren aliantza politikoa berbidertzeko», zioen atzo *El Paisen* editorialak. Herenegungo prentsaurrekoan, Xabier Arzalluzi berari «Maquiavelo» deitzea iraintzat ala laudoriotzat ote zuen galdetu zioten. Buruzagi jeltzaleak, Maquiavelo bere lekuan kokatu ondoren,


berehala atzeman zuen etiketa hori erabiltzeko jokabidearen atzean dagoen fenomeno: «etsaiarengan zentratzeko modu bat da, nolabait teko paranoia adierazten duena, pertsonifikatu hobeto aritzeko bere kontra».

Hitz horiek entzun zituen edonori berriro etorri ahal zizkion burura atzo *El Paisek* eskaintzen zuen Philippe Marchand Barne ministro frantziarrari egindako elkarrizketa irakurtzean. Marchanden adierazpenetan titularrera eramateko esaldi bat baino gehiago egon arren, Frantziako Poliziak behin baino gehiagotan adierazi duen honako hau aukeratu zuen: «Artapalo Polizia frantziarraren lehenasunezko helburua da». Aipatutako egunkariaren aukerak pertsonaia batekiko nolabaiteko obsesioa —zenbat lerro idatzi ote dira komunikabideetan 'Artapaloren' gainean?— adierazten du, Arzalluzek azaldukoaren ildotik.

PELLO URZELAI

MARGOTZE INSTALAZIO AUTOMATIKOAK

GEINSA



MARGOTZERAKO ERROBOT ELEKTRONIKOAK

Fabrikaziorako programa

- ◀ Deskoipeztaketa, garbiketa, fosfatzoketa etabarretako kateak
- ◀ Hauts margotzerako kabinak
- ◀ Margotze likidorako kabinak (eskuzkoak eta automatikoak)
- ◀ Aireztaketa tunelak
- ◀ Erradiazio bidezko lehortze labeak
- ◀ Konbekzio bidezko lehortze labeak
- ◀ Gainpresio bidezko margotze eta lehortze kabinak
- ◀ Margotzerako errobotak
- ◀ Errobotak

GEINSA

GEINSA. Legazpi, z/g
Telefona: 94 - 467 60 91
Telexa: 34112 GEINSA
Telefax: 94 - 467 63 23
48950 ERANDIO - BILBO
(Bizkaia)